



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvris Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 5. Sceleratißimæ filiæ, ex misericordia Dei, breuis & efficax pœnitentia.

[urn:nbn:de:hbz:466:1-49823](#)

impiorum Hæc est ars omnipotentis, è lapi- Matt. 3,9.
dibus filios Abrahæ suscitantis; hic diuinæ mi-
sericordiæ fructus, vocantis ea, quæ non sunt;
hæc dextera Excelsi, de stercore pauperem eri-
gentis. Cuius, in luculenta historia, & exem-
plum accipe, peccator, & documentum.

§. V.

Sceleratissimæ filiæ, ex misericordia Dei bre-
uis & efficax pœnitentia.

Dedit id, ante me, ex idoneo authore,
 Iulius Mazarinus, de quadam puella, quæ
 venustate vultus pariter, & juuenilibus ad-
 huc annis florens, affinis earum rerum, quas
 fert adolescentia, malæ educationi, malam
 reposuit mercedem. Nam in delicijs, à ma-
 tre, & vitæ licentia, enutrita, nimiam indul-
 gentiam eximio dolore compensauit. Itaq;
 assueta facile flecti, improbo parentis suasu,
 haud ægrè permota incæsto animam pol-
 luit flagitio. Nempe aptum matris suppli-
 cium erat filiæ peccatum. Quid ergo Agal-
 ma mater (nam hoc illi fuit nomen) nefan-
 di coitus exploratè gnara fecit? Dolorem,
 quem non potuit premere, in verba effudit;
 quibus acerbissimis filiæ aures identidem
 flagellauit, nefarium ac inauditum crimen
 comperisse se clamitans: facinus utique.

Iul. Ma-
 zarin. in
 Psal. 50.
 p. i. dis-
 curs. 10.
 ex lac.
 Vitriac.
 Cardinal.

D d non

424 Cap. XVIII. A Dei clementia omnes

non castâ, sed Iocastâ dignum, & flammis
expiadum ab eâ perpetratum esse: & quæ
alia muliebris furor suggerebat. Filia cri-
men audaciùs facere, quâm patientiùs au-
dire docta, scelûsq; suum propalatum acer-
bè ferens, tollere, cum matre, exprobratio-
nem statuit. Aberat tunc pater optima oc-
casio vindicandi. Igitur, parricidali conatu,
matri vitam lucisque usum, virulento phar-
maco, aufert. Vbi pater domum redijt, va-
cuâmque matrefamiliâs inuenit, tam inex-
pectato casu perculsus, filiam vultu, voce,
minis iracundissimè obiurgauit. Infelix pu-
ella vltro citrōque malè se verbis acceptam,
&, quæ metus augurabatur, non ferens, ad
vltimam desperationē progressa patri quo-
que, à quo vitam acceperat, vitam adimere
decreuit. Captatâ occasione, remotisque
arbitris, ceruicem incæstam parentis sicâ
abscindit. Facinore patrato, se se in fugam
dat, asportatâ secum præcipuâ suppellectilis
parte. In ignoto loco incognita, omni fron-
tis honore valere iusto, voluptatibus extre-
mè indulxit. Neque enim aliud supererat,
quod sperare vellet. Ita diu vitam brutorum
vixit, verè errans, sicut ouis, quæ perijt. Et
perijsset, nisi eam summus pastor errantem
quæsij-

quæsiisset. Vagabatur vbique misera, & fallendi magis temporis, quām Numinis placandi gratia, aliquando curiosè in templum intrabat, eo ipso tempore; quo diuini verbi præco, Dei misericordiam, vehementi oratione, exaggerauit, addiditque, neminem nullum esse, sub cœlo, ita profundè peccatorum cœno immersum, cui salutis spes sit intercisa. Affectâ concione, continuò illa, omnem moram exosa, ad concionatorem accessit, atque ex eo percontata est: *Num, quæ dixisset, omnia de Dei in peccatores benignitate, vera essent?* Verissima respondit ille, eaque, quæ publicè dixerat, pluribus insuper argumentis confirmauit. Tum illa, *Si, inquit, ita res est, uti confidenter asseris, te obnoxie rogo, Pater, ut excipias confessionem meam, ac me à peccatis absoluas, ut pro me fias pius intercessor, apud tantam misericordiam.* Annuit ille: confitetur illa: quā auditâ, substituit aliquanto temporis spacio Pater, & cogitare cœpit, qualisnam pœnitentia eiusmodi peccatrici esset præscribenda? Suspectum fuit hoc silentium puellæ, quæ illico. *Quid hoc, inquietabat, Pater, iam misericordiam valde extollebas, & nunc videris de salute mea desperare? Non ita, non ita, ait Confessio-*

Dd

fessa-

426 Cap. XVIII. A Dei clementia omnes
fessarius; ô filia, sicut cogitas, sed in tua anima
bonum opto, ut ad concionem audiendam, cra-
stino die, iterum te sisas. Quod tibi, pro salutari
pœnitentia, iniungo. Hac tam clementi pœ-
nitentiâ intellectâ, atque, ut per eius exigui-
tatem, cum nefandis flagitijs suis, compara-
tam, in diuinæ bonitatis potentias immen-
sitatemque ingressa, tanto, ob peccatorum
recordationem, dolore vri, atque in tanta
suspiria vrgeri cœpit, vt è templo pedem
efferre non posset, sed illico cœlesti amore,
vel liquefcens, vel contabescens, animam
efflaret. Accurrunt ad cadentem homines,
& adhuc, per mortuæ genas, vberimè cur-
rentes lachrymarum riuos deprehendunt.
Nunciatur ea mors Concionatori; qui de-
functæ animam cœnobij sui Religiosis com-
mendauit. His ergo, pro ea, orantibus, de
cœlo eiusmodi vox venit: *Non est opus, ut*
oretis pro ipsa; potius ipsa orabit pro vobis. Hic
huius tragœdiæ epilogus est; tam citò ex
lupa agnam fecit diuina clementia, immo
vel vnica diuinæ clementiæ cogitatio.

§. VI.

*Sceleratissimi parentis brevis & efficax
contritio.*

Ac ne mulieres duntaxat delicati huius
amoris